



Nezavisna komisija za praćenje uslova boravka u zavodima,
postupanje i poštivanje ljudskih prava lica nad kojima se izvršavaju krivične sankcije
i druge mjere koje je izrekao u krivičnom postupku Sud Bosne i Hercegovine,
strani sudovi za djela predviđena Krivičnim zakonom Bosne i Hercegovine
ili međunarodnim ugovorom čiji je potpisnik Bosna i Hercegovina
ili drugi sud u skladu sa zakonom Bosne i Hercegovine

Broj: 05/6-50-15-27-41-3/19

Sarajevo, 24. 4. 2019.

Z A P I S N I K

**41. sjednice Nezavisne komisije za praćenje uslova boravka u zavodima,
postupanje i poštivanje ljudskih prava lica nad kojima se izvršavaju krivične sankcije i
druge mjere koje je izrekao u krivičnom postupku Sud Bosne i Hercegovine, strani
sudovi za djela predviđena Krivičnim zakonom Bosne i Hercegovine ili međunarodnim
ugovorom čija je potpisnica Bosna i Hercegovina ili drugi sud u skladu sa zakonom
Bosne i Hercegovine (u daljnjem tekstu: Nezavisna komisija)**

Sjednica je održana u Sarajevu, 24. 4. 2019, s početkom u 17 sati.

PRISUTNI ČLANOVI NEZAVISNE KOMISIJE: Mile Lasić, predsjednik
Nezavisne komisije, Azra Alajbegović, prva zamjenica predsjednika, Brana Spasojević,
druga zamjenica predsjednika, Aleksandar Faladžić i Vedad Gurda, članovi.

OSTALI PRISUTNI: Ivana Lovrić, koja obavlja poslove sekretara Nezavisne
komisije.

Sjednicu je sazvao Mile Lasić, predsjednik Nezavisne komisije. Nakon što je
konstatirao da postoji kvorum, otvorio je 41. sjednicu.

Nezavisna komisija jednoglasno je usvojila sljedeći

D N E V N I R E D

1. Usvajanje Zapisnika 40. sjednice Nezavisne komisije;

2. Razmatranje Informacije Ministarstva pravde BiH, broj: 07-15-1-2644/19 od 1. 4. 2019, a zaprimljena u Pisarnici Parlamentarne skupštine BiH 4. 4. 2019, broj: 05/6-50-15-27-40/19;
3. Razmatranje Predstavke broj: 05/6-37-5-712/19 od 1. 4. 2019;
4. Tekuća pitanja:
 - a) Plan aktivnosti za maj 2019. godine.

Ad. 1. Usvajanje Zapisnika 40. sjednice Nezavisne komisije

Zapisnik 40. sjednice Nezavisne komisije jednoglasno je usvojen, bez primjedbi.

Ad. 2. Razmatranje Informacije Ministarstva pravde BiH, broj: 07-15-1-2644/19 od 1. 4. 2019, a zaprimljena u Pisarnici Parlamentarne skupštine BiH 4. 4. 2019, broj: 05/6-50-15-27-40/19

U uvodu za ovu tačku dnevnog reda predsjednik Nezavisne komisije Mile Lasić istakao je da je u skladu s dogovorom s prethodne sjednice Ministarstvo pravde BiH Nezavisnoj komisiji dostavilo informaciju, a u vezi s predstavkama zatvorenika Kazneno-popravnog zavoda Zenica, te otvorio raspravu. Nakon rasprave članovi Nezavisne komisije jednoglasno su dogovorili da se zatvorenicima Kazneno-popravnog zavoda Zenica uputi odgovor u skladu s nadležnostima Nezavisne komisije.

Ad. 3. Razmatranje Predstavke broj: 05/6-37-5-712/19 od 1. 4. 2019.

U uvodu za ovu tačku dnevnog reda predsjednik Nezavisne komisije Mile Lasić rekao je da su srodnici zatvorenika u Kazneno-popravnom zavodu Zenica uputili Nezavisnoj komisiji predstavku i otvorio raspravu. Nakon rasprave, u kojoj su učestvovali svi članovi Nezavisne komisije, jednoglasno je dogovoreno da se uputi dopis podnosiocu predstavke za njenom eventualnom dopunom, a u svrhu daljnjeg postupanja Nezavisne komisije.

Ad. 4. Tekuća pitanja

a) Plan aktivnosti za maj 2019. godine

U okviru ove tačke dnevnog reda članovi Nezavisne komisije dogovorili su da će 22. 5. 2019. obaviti najavljenju posjetu Zavodu za forenzičku psihijatriju Sokolac. Za ovu posjetu utvrđen je radni nalog.

Također je dogovoreno da sljedeća sjednica Nezavisne komisije bude održana u Sarajevu, 22. 5. 2019, u 17 sati.

Predsjednik Nezavisne komisije Mile Lasić zaključio je sjednicu u 18.10 sati.

SEKRETARKA

NEZAVISNE KOMISIJE

Ivana Lovrić

PREDSJEDNIK

NEZAVISNE KOMISIJE

Dr. sc. Mile Lasić